



2^{DA} SESSIONE URDINARIA DI U 2025 RIUNIONE DI I 27 È 28 DI NUVEMBRE DI U 2025

<u>2^{ÈME} SESSION ORDINAIRE DE 2025</u> RÉUNION DES 27 ET 28 NOVEMBRE 2025

N° 2025/O2/079

Question orale déposée par Mme Marie-Claude BRANCA au nom du groupe « Core in Fronte »

OBJET: CUNSIRVA U NOSCIU PATRIMONIU STORICU E CULTURALI

Sgiò presidenti di l'esecutivu, Madama a Cunsigliera in carica di a cultura è u patrimoniu,

Qualchi sittimana fa, lighjindu u ghjurnali, avemu imparatu chì u 13 di dicembri un ritrattu di Pasquale Paoli sarà missu in vendita in Bastia.

St'opara cummandata da Paoli iddu stessu à William Beechey artista di prima trinca di a so epica hà un valori impurtantissimu à u niveddu culturali è storicu.

Par no ùn si pudaria meddu finiscia st'annata di cummemurazioni di u tricentennariu di a nascita Paoli che cumprendu stu ritrattu pà pudé lu fà scopra à tutti i Corsi in u Museu di Merusaglia in u locu chì l'ha vistu nascia.

Capimmu bè chì in sti mumenti di difficultà finanziari pà a noscia Cullittività è al di là pà tutta a suciità corsa una spesa tamanta pò paré incumprensivuli. Ma u nosciu patrimoniu hè una ricchezza cho no duvimu tena contu.

Di fatti in u DOB chi ci aveti da prisintà oghji raminteti u travaddu di missa in valori di u nosciu patrimoniu pà fallu scopra à a noscia ghjuventù è a voscia vulintà di cuntinuà stu travaddu in u 2026. Di fatti a cuniscenza di u so patrimoniu culturali è naturali hè indispinsevuli parchì a ghjuventù possa impadrunisciassi di u so passatu è prughjittàssi in l'avvena.

Paoli essendu un parsunaghjiu centrali di a noscia storia ci pari cuerenti di acquistà st'opara è ancu di circà s'iddi ci so altri opari o ughjetti chi pudariani arrichiscia u nosciu patrimoniu.

D'altrondi, si a noscia Cullittività faci cunoscia ufficialmenti a so vulintà di cumprà stu ritrattu avarà a pussibilità d'essa aiutata finanziariamenti da urganisimi com'è u serviziu mecenatu di a Fundazione di u Patrimoniu.

Fermani 15 ghjorna è ad avali ùn avemu intesu o lettu nisciun riazioni di l'Esecutivu. Sgiò Presidenti, Madama a cunsigliera esecutiva aveti riflittutu à a pussibilità di cumprà stu ritrattu di a manera più favurevuli pà a noscia Cullittività par fà chi stu ritrattu ùn partissi in una cullizioni privata o in un paesu più cunsapevuli di l'impurtanza di stu quadru ?

Vi ringraziemu.